

Na osnovu člana 18. Statuta općine Maglaj ("Službene novine Općine Maglaj" broj: 8/07, 3/08 i 6/08) i člana 102. Poslovnika o radu Općinskog vijeća Maglaj ("Službene novine Općine Maglaj" broj: 2/09), i u skladu sa Odlukom o osnivanju Podružnice JU Dom kulture „Edhem Mulabdić“ Maglaj Podružnica „Sportska dvorana“ Maglaj broj: \_\_\_\_\_, Općinsko vijeće Maglaj, na sjednici održanoj dana \_\_\_\_\_.2019.godine donijelo je:

## O D L U K U

### Član 1.

Ovom odlukom ovlašćuje se direktor ustanove, Svjetlana Zamboni sa LK xxxxxxxx izdatom od strane MUP ZDK Policijska stanica Maglaj i broj JMB xxxxxxxxxxxxxxxx, da na osnovu ove odluke, pred notarom potpiše notarski obrađenu ispravu o osnivanju podružnice JU Dom kulture "Edhem Mulabdić" Maglaj, kao i da izvrši upis Podružnice „Sportska dvorana“ Maglaj, kod Registra društava Općinskog suda u Zenici.

### Član 2.

Ova Odluka stupa na snagu danom donošenja i ima se objaviti u „Službenim novinama Općine Maglaj“.

Broj: \_\_\_\_\_

Maglaj, \_\_\_\_\_.2019.g.

Dopredsjedavajući:

Hajrudin Ferić

JU DOM KULTURE „EDHEM MULABDIĆ“ MAGLAJ  
SULEJMANA OMEROVIĆA 2, MAGLAJ

- UPRAVNI ODBOR -

Broj: I/1-141-4/19

Datum: 06.12.2019. godine

FEDERACIJA BOSNE I HERCEGOVINE  
OPĆINA MAGLAJ  
Služba za boračko-invalidsku i socijalnu zaštitu,  
opću upravu i društvene djelatnosti

PRIMLJENO	09.12.2019.		
Org. jedinica	Klasif. oznaka	Redni broj	Broj priloga
		10030	

## OPĆINSKO VIJEĆE MAGLAJ

**PREDMET:** Obrazloženje za predložene Odluke

Poštovani,

Nakon uspješno okončane manifestacije „Studentsko ljeto 2019.“, članovi Upravnog odbora i direktorica JU Dom kulture „Edhem Mulabdić“ Maglaj su se fokusirali na proširenje lepeze svojih usluga na zadovoljstvo korisnika svih organizacionih dijelova Ustanove i podizanje prihoda Ustanove. S tim u vezi preduzete su zakonom propisane radnje koje su u prvoj fazi za cilj imale proširenje djelatnosti Ustanove.

Svojom Odlukom broj: I/1-108/19 od 19.09.2019. godine, Upravni odbor je ovlastio direktoricu da pokrene aktivnosti prema Osnivaču u smislu donošenja Odluke kojom se vrši proširenje djelatnosti Ustanove a u skladu sa Klasifikacijom djelatnosti 2010. (Službeni glasnik BIH, broj: 47/10) i provede sve potrebne korake i aktivnosti koji bi uslijedili kao rezultat doregistracije u cilju obavljanja proširene djelatnosti.

Na osnovu donesene Odluke Upravnog odbora, upućen je Zahtjev Općinskom vijeću Maglaj koje je i donijelo Odluku o izmjenama i dopunama Pravila JU Dom kulture „Edhem Mulabdić“ Maglaj broj I/2-357/04 od 24.12.2004. – Odluka broj: 02-05-1-1979/19 od 26.09.2019. godine.

Nakon prijema Odluke Općinskog vijeća, u skladu sa procedurom, pripremljena je notarska obrada zahtjeva prema Općinskom sudu u Zenici koja je rezultirala izdavanjem Aktuelnog izvoda iz sudskog registra Općinskog suda u Zenici broj: 043-0-RegZ-19-002480 od 03.10.2019. godine na ime Javne ustanove Dom kulture „Edhem Mulabdić“ Maglaj kojim je proširena djelatnost Ustanove.

Pozivajući se na Aktuelni izvod iz sudskog registra, JU Dom kulture „Edhem Mulabdić“ Maglaj nastavila je sa zakonom propisanim koracima u cilju obavljanja registrovane djelatnosti i s tim u vezi Službi za privredu, finansije i razvoj

poduzetništva Općine Maglaj, Kantonalnoj upravi za inspekcijske poslove Zenica i Poreznoj upravi – Ispostava Maglaj, dana 08.10.2019. godine dostavila je Obavijesti o početku obavljanja privrednih djelatnosti u okviru registrovane djelatnosti Ustanove u vlastitim prostorijama tj. jedna obavijest za obavljanje dijela djelatnosti u vlastitim prostorijama na adresi Sulejmana Omerovića 2 – kino dvorana i druga obavijest za obavljanje dijela djelatnosti u vlastitim prostorijama – sportska dvorana na adresi Ulica mladih bb.

Uzimajući u obzir činjenicu da je JU Dom kulture PDV obveznik te da se na nju primjenjuju i svi propisi u vezi s tim, kao i Zakon o registraciji poslovnih subjekata u Federaciji BiH, iz nadležne općinske službe i iz Poreske uprave – Ispostava Maglaj instruisani smo da kino dvorana koja se nalazi na istoj adresi kao i sjedište Ustanove ne mijenja ID broj i može nesmetano početi obavljati registriranu djelatnost uz prethodno obezbjeđivanje fiskalnog uređaja u prostoru iz obavijesti.

S druge strane, ukazano nam je od strane nadležne općinske službe i Poreske uprave – Ispostava Maglaj da u cilju obavljanja registrovane djelatnosti van sjedišta Ustanove, na adresi sportske dvorane – Ulica mladih bb, koja je jedna od organizacionih cjelina JU Dom kulture „Edhem Mulabdić“ Maglaj, moramo postupiti u skladu sa Zakonom o registraciji poslovnih subjekata FBiH, nakon čega smo obavili konsultacije i sa nadležnim Općinskim sudom u Zenici koji je potvrdio istu činjenicu. Naime, u skladu sa Zakonom za obavljanje registrovane djelatnosti izvan sjedišta potrebno je osnovati podružnicu ili poslovnu jedinicu/odjel/zavod/centar. Osnivanje jedne ili više podružnica unutar neke javne ustanove je redovna praksa širom Federacije BiH o čemu svjedoče brojni Podaci iz registra poslovnih subjekata Porezne uprave FBiH, gdje npr. Javna ustanova Centar kulture i mladih Općine Centar Sarajevo broji ukupno 13 podružnica.

Vođena podacima i instrukcijama relevantnih službi koji su u postupku prikupljeni, JU Dom kulture riješena je da u aktivnostima obavljanja registrovane djelatnosti zadovolji sve propise kojima podliježe u vezi s tim i postupi na način koji ni u jednom momentu ne bi naišao na prepreke za obavljanje registrovane djelatnosti. Na osnovu navedenog i u skladu sa zaključcima Kolegija Općinskog vijeća i sastanka održanog 28.11.2019. na kojem su utvrđeni jasni koraci u postupku, te Odluke Općinskog vijeća o davanju saglasnosti za pokretanje postupka u formiranju podružnice JU Dom kulture „Edhem Mulabdić“ Maglaj – Podružnica „Sportska dvorana“ Maglaj, Upravni odbor donosi Prijedlog Odluke o dopunama člana 4. Pravila JU Dom kulture „Edhem Mulabdić“ Maglaj, broj: 1/2-357/04 i Prijedlog Odluke o osnivanju Podružnice JU Dom kulture „Edhem Mulabdić“ Maglaj – Podružnica „Sportska dvorana“ Maglaj, za koje tražimo prethodnu saglasnost Osnivača.

U tom smislu molimo i Općinsko vijeće Maglaj da prije donošenja saglasnosti za navedene Prijedloge Odluka donese i svoju Odluku o dopuni Odluke o zadržavanju prava osnivača JU Dom kulture „Edhem Mulabdić“ Maglaj kojom će definisati način donošenja odluke o osnivanju podružnice i proširiti ovlasti Upravnog odbora Ustanove za donošenje odluke o organizovanju podružnice uz obavezno pribavljanje prethodne saglasnosti Općinskog vijeća kao Osnivača, kako i jeste propisano zakonom.



Predsjednica Upravnog odbora:

Alma Bradarić, dipl.ing.maš.

